



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Expedita Juris Divini, Natvralis, Et Ecclesiastici Moralis  
Expositio**

**Tamburini, Tommaso**

**Coloniæ Agrippinæ, 1665**

Quid sit juramento vallata? §. 4.

**urn:nbn:de:hbz:466:1-40132**

quo, qui posterius donat, donaret ad retribuendum) tamen inter fratres, si lequatis Julium Clarum allatum numero 6. validam pronuntiabis Donationem; at invalidam, si teneas cum aliis ibidem contraria. Sed hæc Jurispetiti latius, de quibus non minus latè Onate & Theologus, aliquique ab eodem citati.

30.

## §. III.

*Acceptans Donationem omnium bonorum, an obligetur ea restituere?*

1. **I**D enim verò pertinet ad moralem Theologum, de quo dico, eum, qui acceperat ejusmodi bona, eaque possidet, non teneri illa restituere, donec à Donatione repeatantur, quia ex una parte Jura non faciunt inhabilem Donatarium ad retinendum, sed solum concedunt Donatori facultatem exigendi, seu revocandi, ut habet Lessius, Rebelli, Turrianus, Filiuccius, quos citat in famili, sequiturque Bonac. b & ex alia, dum Donator non repetit, cum possit, ut supponimus, quu. 13 p. 6. cedit juri suo, & consentire censetur retentio- ni alterius. Ita Villalobos Rodriq. aliquie a- c Dianap. pud Dianam. c

2. Sed hic restat dubium, An statim, ac 32. Donator privatum requirrit res ipsi Donatario per prædictam Donationem omnium bonorum donatas, obligetur Donatarius restituere, an potius possit exspectare sententiam Judicis?

3. Respondeo statim, nec posse exspectare Judicis sententiam. Ratio est, quia Donatio ipsa est in valida, nec solum invalidanda: ergo dominium ejusmodi rerum donatarum est apud Donatorem, iphiisque omnino debi- rum: antea verò solum retinere poterat, quia, ut dictum est, præsumebatur Donator cedere Juri suo. Ita mihi videtur esse discurrendum.

\*\*

## §. IV.

*An Donatio omnium bonorum juramento valata sit valida?*

1. **I**Urispetiti communiter docent, esse invalidam, revocarique à Donatore posse. Ratio est (inquit) quia ejusmodi Donatio est contra bonos mores.

2. Sed refragantur Theologi, Molina, Lesius, aliquique, quos refert, sequiturque De- lugo, a quibus addit Bonacinam, e & Onna- tera scilicet Suan. & Valsqu. ita enim ajunt, ejusmodi Donationem, & validam esse, & non posse à Donatore revocari. Ratio est (in- quunt) quia quamvis ejusmodi Donatio prodiga sit, & consequenter non solum contra bonos mores politicos, sed etiam morales; est enim saltē peccaminosa venialiter, unde non posse confirmari Juramento, quod non est vinculum iniquitatis; tamen id, quod promittitur sub dicto Juramento, de quo lo- quimur, est, nolle revocare Donationem jam factam, quod licet est (ajunt) cum nemo prohibeatur nolle revocare Donationem, quam liberè facit.

3. Profectò tantorum virorum pace hac doctrina, vel nimis obscura est, vel nequaquam vera. Sic ergo est planè distinguendum. Aliud est donare cum Juramento: aliud pro- mittere item eum Juramento, se non revoca- turum jam donata, ut per aliam occasionem rectè distinguunt Castropal. g Juro v. gr. me <sup>g Cato</sup> nunc tibi donare equum: ecce Donationem <sup>Tij. 11</sup> Juraram. Deinde juro, hanc Donationem jam <sup>Jurand.</sup> tibi factam, me non revocaturum, etiam si ad- veniat casus, in quo libet revocate possem. 6. Ecce promissionem non revocandi, quod donatum est. Pari modo Testamentum condon- juroque, illam nunc esse meam ultimam vo- luntatem: At non propterea me sic privo po- testate illud revocandi, seu habendi postea aliam voluntatem. Quod si Jurem, me Testa- mentum illud jam factum non revocarum, tunc profectò promitto per promissionem Juramentum aliud diversum a Testamento: juro enim Testamentum factum non revoca- ri, & hoc Juramentum, seu promissionem ju- ratam deberi omnino servari, diximus alibi, quia hæc non revocatio, nullibi, est prohibi- ta.

4. Sic

4. Sic ergo in casu nostro; si juro, me tibi donare omnia bona, tam Donatio, rum Juramentum huic Donationi adhærens, invalida, per omnes communiter Doctores sunt, quia sunt de re peccaminosa, sicutem venialiter, de querere contra bonos mores.

Verum, si jurem, non revocare ejusmodi donationem jam factam, putaverunt modo Delugo, aliquique, valere juramentum, nec posse amplius saltem ex virtute Religionis revocari, quia (inquit) est de re, quæ sine peccato servari potest, cum leges prohibeant quidem donationem omnium bonorum, sed non præcipiant, ut illa revocetur, vel non revocetur: sed si loquuntur, ut possit donans revocare, si velit, quam permissionem a se per juramentum abdicere, nec peccatum est, nec contra Leges, &c.

5. Verum signatè dixi (putaverunt Delugo, aliquique) me enim sic philologari juvat. Sicut non valet juramentum de remala, ita nec valere debet juramentum, per quod persistatur in eadem re mala; ergo, si donatio omnium bonorum, ideo non valet, quia est de re procul, atque adeò de re peccaminosa, condon modo valere non debet juramentum de persistendo, seu de non revocanda ejusmodi donatione, quia est velle persistere in re prodiga, seu continuare culpam prodigalitatis: sicuti, si te injustè ejicerem in exilium, & deinde jurarem, me nolle te, cum possim, ab exilio revocare: & sicuti, si donarem legitimam mei filii extraneo, & postea jurarem, illum à dicto extraneo me revocare nolle, cum possim.

6. Est igitur res accuratè perpendenda, & sic universum (pro similibus juramentis de non revocando) distinguendum. Quoties non revocare, malum non est, toties juramentum de non revocando valet, & est observandum. Quoties vero non revocare, malum est, toties, sicut non valet, nec observandum est juramentum de eo malo patrando, sic non valet, nec est observandum juramentum de non revocando, quia utrobius non debet juramentum esse vinculum iniquitatis.

7. Ex hac autem certa regula fit, ut in casu, de quo loquimur, juramentum non valeat, quia persistere cum illa prodigalitate omnium bonorum, & item nolle eam revocare, cum possim, ex quæ malum est. At in exemplis modo allatis de non revocando Testamento, & de

non revocanda Donariione illius equi, valebit juramentum, obseruandumque erit, quia persistere in Testamento legitimè facto, & in donatione equi, nec malum ex se est, nec prohibitum, & codem modo, etiam res se habet in pluribus exemplis à me adductis & alibi. <sup>a Lib. 3. in</sup>

8. Non satis faciunt ergo nonnulli Jurisperiti, b dura sive absolute concedunt, sive ab <sup>c</sup> §. sen. 39. solutè negant, juramentum de hisce similibus b Ap. Ma- valere. Non satis faciunt (inquam) nam ad rium Cu- pronunciandam dictam validitatem, vel in- telli T. 1. validitatem, semper expendi debet, utrum ju- de Donat- ramentum cadat in rem aliquo tandem mo- dico. 2. do, sive in se, sive in ejus perteuerantia, ma- partitul. 3 lam, an non. Si posterius, est validum, obser- toquentem vandumque; si prius, nec validum, nec obser- de Iuram. appositio Don Pa- tris ad fi- lium.

## C A P U T V.

De solennitate Donationis, id est,

De ejus Insinuatione.

## §. I.

*Quid sit Insinuatio, & in cuius quantitatibz  
Donatione adhibenda*

1. Propria Donationis solennitas à Jure requisita est insinuatio, ut scilicet donatio debeat Judici insinuari, hoc est, manifestari. Ad quod certè satis est, si, vel ipse Donator, vel ejus Procurator, vel ipse Donatarius, ex Donatoris mandato, comparet coram Judge, qui Judge non necessario sedens pro Tribunal (cum hic non sit actus jurisdictionis contentiose, sed voluntariae) mandet Notario, ut eam manifestationem redigat in actis ad memoriam in futurum.

2. Hanc solennitatem, sine qua Donatio est invalida, leges in vexere, ut à Judge, tanquam à persona agente pro Republicæ bono, prodigiis donationibus moderationem adhibeat. Unde rectè Onnate advertit, non posse Iudicem denegare approbationem ejusmodi <sup>c</sup> Onnate T. 2. de di Donationis, quando nulla apparet causa contr. Tr. negandi, posse autem cum apparet, quia ad 10. d. 30. hoc instituta est Lex insinuationis, ut pru- n. 103. denter, & sine damno, vel boni communis, vel Tertii, vel etiam ipsius Donantis Donatio fiat.